



## Komunikado di prensa

27 di mei 2026

### Cft ta bishitá Sint Eustatius i Saba

**Oranjestad/The Bottom – Riba 25 i 26 di mei, Kolegio di supervishon finansiero di Boneiru, Sint Eustatius i Saba (Cft) a bishitá Sint Eustatius i Saba. Cft a deliberá tokante di e situashon finansiero aktual, e entidatnan gubernamental i proyektonan aktual ku e Kolegionan Ehekutivo i e Kolegionan Insular. Riba Saba, Cft a tuma despedida di Gezaghèber saliente Jonathan Johnson. Riba ámbos isla, Cft ta konstatá un mehorashon stabil di maneho finansiero, i ta enfatisá e importansia di koutela kontinuo den un entorno kambiante.**

#### Sint Eustatius

Cft ta opservá ku den e último añanan, Entidat Públiko a hasi progreso konsiderabel den maneho finansiero, di kua e deklarashon aprobatorio di ouditor tokante di 2024 tabata e resultado mas evidente. Banda di esaki, Sint Eustatius ta mustrandó plannan pa mehorá e kapasidat di implementashon, i e isla ta kontinuá riba e kaminda pa ta 'in control' duraderamente. Ademas, ku STUCO i EUTEL, Sint Eustatius tin dos entidat ku ta ehekutá tareanan públiko importante, i ku ta poseé un infrastruktura esensial. A base di e informashon disponibel, Cft ta konsiderá ku e funshonamentu aktual di e entidatnan ta relativamente stabil, aunke den e tempu benidero nan lo enfrentá retonan operashonal. Durante su bishita, Cft a bishitá haf, The Cliff i e proyekto di bibienda sosial, kaminda ta konstruyendo 36 kas di hür sosial nobo. E proyektonan aki ta importante pa e desaroyo ekonómiko i sosial di Sint Eustatius. Cft ta konstatá ku den e áreanan aki ta hasiendo progreso visibel.

#### Saba

Cft ta bolbe ekspresá su apesio pa e kalidat haltu di e maneho finansiero di Saba. E presupuestonan ta na òrdu, i nan ta wòrdu entregá na tempu. Banda di esaki, Cft ta opservá ku Saba ta manteniendo e desaroyonan positivo aki. Ademas, ku Saba Electric Company (SEC) i Satel, Saba tin dos entidat gubernamental ku ta ehekutá un tarea públiko i ku ta poseé un infrastruktura importante. E informashon disponibel ta mustra ku e entidatnan aki tambe ta funshoná relativamente stabil, aunke nan ta enfrentá retonan operashonal tambe. Ademas, Cft a tuma despedida di Gezaghèber Jonathan Johnson, kende ta baha despues di 18 aña. Señor Johnson a hasi un kontribushon importante na e stabilitat finansiero i administrativo aktual di Saba. Cft a gradisié sinseramente pa su añanan di dedikashon i trabou.

Finalmente, pa ámbos isla ta konta ku nan ta operando den un mundu ku aktualmente ta den moveshon, loke ta rekerí atenshon kontinuo pa maneho finansiero kuidadoso i resiliente.

[Fin di komunikado di prensa]

**Potrèt:**

Nathan Roosberg

**Deskripsjon di potrèt:**

Cft ta konsehá e Entidatnan Públiko Sint Eustatius (OLE) i Saba (OLS) pa move den direkshon di propiedat aktivo i porporshonal di nan entidatnan gubernamental.

**Nota pa e redakshon – no publiká**

Kontakto Cft:



**KOLEGIO DI SUPERVISHON FINANSIERO DI  
BONEIRU, SINT EUSTATIUS I SABA**

De Rouvilleweg 39  
Willemstad, Kòrsou

T (+5999) 4619081

info@cft.cw

Sekretariado di Kolegionan di supervishon finansiero  
Telefòn +5999 461-9081/ +5999 461-9082 / +5999 461-9084  
Koreo elektróniko info@cft.cw  
Wèpsait www.cft.cw

Kontaktonan di prensa:

Jefka Alberto  
Telefòn +5999 512-6861